

## 總題：學為人師 行為世範

### 別題：善財童子參學報告(9)

◎文殊師利菩薩十信章 -2. 諸乘人會

#### 四、諸乘人會 (卷一 136 頁)

- 1.文殊菩薩漸次南行，經歷城邑聚落，至福生城。於其城東，住莊嚴幢娑羅林中，往昔諸佛曾所止住，教化成熟一切眾生大塔廟處。亦是世尊毘盧遮那於往昔時行菩薩行，能捨無量難捨之處。是故此林名稱普聞無量佛剎。此處常為天龍人非人等恭敬供養。
- 2.時文殊菩薩坐師子座，說修多羅，名<普照法界圓滿光明>。說此經時，有無量諸大龍王并其眷屬，聞此法已，於佛功德深生愛樂，於阿耨多羅三藐三菩提得不退轉。復有無量無數眾生於三乘中各得成熟。
- 3.疏云：
  - (1)福生城，其城居民多生福德，故名。
  - (2)城，表防非，即真法界。一切眾生自此出故。
  - (3)東，為方首。啟明之初，表順福善。入道初故。又表福智，入位本故。
  - (4)娑羅林，梵語此云高遠。當起萬行，莊嚴法身。能摧障蓋，故稱幢也。
  - (5)大塔廟，梵云窣堵波，此云高顯。義曰歸宗之所。廟者貌也，世尊貌故。
  - (6)文殊說經名普照者，顯所說法，智用宏舒。所照深廣，即真法界。此是正說入法界經。

[淨空法師專集網站\(簡\)製作](#)